

Pelanggan yang dihormati,

Helaian Penerangan Produk ini memberikan anda maklumat penting mengenai takaful berkaitan-pelaburan anda. Pelanggan lain telah membaca Helaian Penerangan Produk ini dan mendapati ianya membantu; **anda patut membacanya juga.**

Tarikh: 01/01/2026

1 Apakah M-Zahra Invest Prime Takaful?

M-Zahra Invest Prime Takaful menawarkan gabungan perlindungan dan pelaburan takaful. Ia membayar manfaat sekali gus atau nilai akaun Dana Berkaitan Pelaburan ("ILF(s)") sekiranya orang yang dilindungi meninggal dunia atau mengalami keilatan menyeluruh dan kekal ("KMK") semasa tempoh sijil.

Pelan ini menggunakan konsep-konsep Syariah seperti **Tabarru', Wakalah, Qard** dan **Hibah**.

2 Ketahui Perlindungan/Manfaat-manfaat Anda

Sebagai ilustrasi, untuk lelaki berumur 30 tahun dengan caruman tunggal **RM250,000.00**, anda akan menerima **perlindungan/manfaat-manfaat** takaful keluarga seperti berikut:

Kematian/KMK	Jumlah yang lebih tinggi di antara: a. RM500,000.00 ; atau b. Nilai akaun di dalam <i>ILF(s)</i> .
Matang	Nilai akaun di dalam <i>ILF(s)</i> .

- Nota:**
- Sekiranya sijil dikeluarkan di bawah Tawaran Perlindungan Dijamin ("GIO") dan apabila orang yang dilindungi meninggal dunia atau mengalami KMK akibat semula jadi dalam tempoh 2 tahun pertama, jumlah yang akan kami bayar adalah yang lebih tinggi di antara:
a. Jumlah caruman takaful yang telah dibayar; atau
b. Nilai akaun *ILF(s)*.
 - Jumlah manfaat untuk kematian/KMK akan dikurangkan sekiranya peristiwa tuntutan berlaku ketika orang yang dilindungi berumur bawah 5 tahun.
 - Manfaat KMK memberikan perlindungan hanya sehingga umur 70.

Takaful berkaitan-pelaburan anda **tidak melindungi**:

- Kematian akibat bunuh diri dalam tempoh tahun pertama.
- KMK:
a) yang telah wujud sebelum perlindungan bermula, atau berpunca daripada cubaan bunuh diri atau kecederaan yang disebabkan oleh diri sendiri;
b) disebabkan oleh penerbangan, meluncur atau apa-apa aktiviti penerbangan lain selain sebagai juruterbang, anak kapal kabin atau penumpang kapal terbang; atau
c) disebabkan oleh pelanggaran undang-undang atau kecederaan semasa melakukan, mencuba atau mencetuskan serangan atau jenayah.

Nota: Senarai ini adalah **tidak lengkap**. Anda mesti merujuk kepada sijil untuk senarai penuh pengecualian-pengecualian.

Sekiranya anda mempunyai sebarang pertanyaan atau memerlukan bantuan berkaitan takaful berkaitan-pelaburan anda, anda boleh:



Hubungi kami di:
1-300 88 252 385



Mengunjungi cawangan
Bank Muamalat Malaysia Berhad
terdekat



E-mel kami di:
csu@takaful-malaysia.com.my



Imbas kod QR untuk merujuk
Lampiran bagi maklumat lanjut

3 Ketahui Tanggungjawab Anda

Untuk takaful berkaitan-pelaburan ini, anda perlu membayar caruman takaful sebanyak:

Caruman Takaful	RM250,000.00
Tempoh: Caruman tunggal (bayaran sekali sahaja)	
Kami memperuntukkan sebahagian daripada caruman takaful untuk membeli unit dalam <i>ILF(s)</i> yang anda pilih.	

Caruman takaful yang diperuntukkan untuk membeli unit	95% daripada caruman takaful atau RM237,500.00 Sila rujuk kepada ilustrasi pemasaran untuk butiran lanjut.
Anda juga perlu membayar yuran dan caj berikut (sebagai sebahagian daripada caruman takaful anda):	
Yuran Wakalah	5.00% daripada caruman takaful atau RM12,500.00 Yuran Wakalah ditolak terlebih dahulu sebagai peratusan caruman takaful untuk memenuhi perbelanjaan pengurusan kami dan jumlah kos pengagihan (iaitu komisen).
Komisen (sebahagian daripada yuran Wakalah)	3.75% daripada caruman takaful atau RM9,375.00
Caj pengurusan dana	1.00% kepada 1.50% setahun, daripada nilai aset bersih daripada <i>ILF(s)</i> yang dipilih.
Caj pengeluaran	1.00% daripada nilai pengeluaran untuk 2 tahun pertama sijil.
Caj serahan	1.00% daripada nilai serahan untuk 2 tahun pertama sijil.
Duti setem	Dibayar oleh Syarikat Takaful Malaysia Keluarga Berhad.

4 Terma Utama Lain

- Anda mempunyai kewajipan untuk mengambil langkah yang sewajarnya untuk tidak memberikan maklumat palsu atau tidak tepat apabila anda memohon untuk pelan ini. Kegagalan berbuat demikian boleh menyebabkan tuntutan anda ditolak dan/atau sijil ditamatkan.
- Nilai akaun pelan ini bergantung kepada prestasi dana yang anda pilih. Adalah penting untuk memilih *ILF* atau gabungan *ILF(s)* yang sesuai dengan matlamat kewangan dan profil risiko anda. Anda dinasihatkan untuk merujuk kepada Helaian Fakta Dana untuk strategi pelaburan dan jenis aset yang dilaburkan.
- Anda boleh menamakan penama dan memastikan bahawa penama anda mengetahui mengenai penyertaan anda dalam pelan ini.
- Sila maklumkan kepada kami dengan segera sekiranya berlaku kejadian yang mengakibatkan tuntutan.

Nota: Senarai ini adalah **tidak lengkap**. Anda hendaklah merujuk kepada sijil untuk senarai penuh terma dan syarat.

? Bolehkah saya membatalkan sijil saya?

Ya, anda boleh membatalkan sijil anda dengan memberi notis bertulis kepada kami.

- **Tempoh Penelitian Percuma:** Anda boleh membatalkan sijil anda dengan mengembalikan sijil dalam tempoh 15 hari selepas sijil anda dihantar kepada anda. Caruman takaful yang telah anda bayar, tertakhluk kepada turun naik harga unit *ILF(s)*, akan dipulangkan kepada anda.
- **Notis Bertulis:** Sekiranya anda memilih untuk menyerahkan sijil anda selepas tempoh penelitian percuma 15 hari, anda boleh memohon untuk menyerahkan sijil anda dengan mengisi borang penyerahan dan menghantarkannya kepada kami, dan sebarang baki di dalam *ILF(s)* akan dibayar. Amaun penyerahan yang anda terima akan berdasarkan *ILF(s)* anda pada masa kami meluluskan permintaan anda, yang mungkin kurang daripada jumlah caruman takaful yang telah anda bayar.

Pengakuan Pelanggan *

Sila pastikan anda mengisi bahagian ini sendiri dan anda sedar akan tujuan tandatangan anda.

☐ Saya mengakui bahawa wakil jualan Syarikat Takaful Malaysia Keluarga Berhad telah memberikan saya salinan Helaian Penerangan Produk.

☐ Saya sudah membaca dan memahami maklumat utama yang terkandung dalam Helaian Penerangan Produk ini.

* Pengakuan anda terhadap Helaian Penerangan Produk ini tidak akan menjejaskan hak anda untuk menuntut pembetulan sekiranya berlaku pertikaian mengenai terma dan syarat produk.

.....
Nama:

Tarikh:

Konsep Syariah

Tabarru'	- Derma untuk tujuan kebajikan. - Anda menderma suatu amaun daripada <i>ILF(s)</i> ke dalam Dana Risiko Berkaitan Pelaburan ("Dana Risiko") untuk membantu peserta lain. - Tabarru' berkuat kuasa apabila anda mencarum ke dalam Dana Risiko.
Wakalah	- Sebuah kontrak di mana satu pihak, sebagai prinsipal, memberi kuasa kepada satu pihak yang lain sebagai wakilnya. - Wakil tersebut akan melaksanakan tugas tertentu dalam hal-hal yang boleh diwakilkan, dengan atau tanpa mengenakan upah. - Di dalam pelan ini, anda memberi kuasa kepada kami untuk menguruskan sijil, dan sebagai balasannya, kami akan menerima yuran Wakalah. Di samping itu, anda membenarkan kami menerima caj pengurusan dana untuk menguruskan <i>ILF(s)</i>.
Qard	- Pinjaman tanpa sebarang faedah. - Kami akan meminjamkan sejumlah wang ke dalam Dana Risiko tanpa faedah sekiranya Dana Risiko mengalami defisit untuk membayar tuntutan.
Hibah	- Pemindahan hak milik aset dari penderma kepada penerima tanpa apa-apa balasan. - Manfaat-manfaat yang akan dibayar dari Dana Risiko adalah diberikan sebagai Hibah. - Penama boleh menerima manfaat yang dibayar sebagai Hibah sekiranya penama adalah benefisiari di bawah Hibah bersyarat.

Terma & Syarat Utama lain

Caruman Takaful	a) Amaun caruman takaful adalah tidak dijamin dan kami berhak untuk menyemak semula amaun caruman takaful. Kami akan memaklumkan kepada anda sekurang-kurangnya 30 hari sebelum ianya berkuat kuasa. b) Perlindungan ke atas orang yang dilindungi akan berkuat kuasa selepas pembayaran caruman takaful pertama seperti yang dinyatakan di dalam e-Sijil anda berjaya. c) Sila simpan resit yang akan di-e-melkan kepada anda, sebagai bukti pembayaran caruman takaful telah dibuat. d) Caruman takaful yang diperuntukkan selepas ditolak yuran Wakalah akan dilaburkan ke dalam <i>ILF(s)</i> yang dipilih.												
Nilai akaun	a) Nilai akaun merujuk kepada sebarang baki di dalam <i>ILF(s)</i>. b) Ia adalah nilai <i>ILF(s)</i> yang tidak dijamin dan akan berdasarkan prestasi dana sebenar. c) Sekiranya anda mendapati <i>ILF(s)</i> yang anda telah pilih tidak lagi sesuai, anda mempunyai fleksibiliti untuk menukar dana. Tiada caj pertukaran dana dikenakan.												
Tabarru'	a) Tabarru' akan ditolak setiap bulan daripada <i>ILF(s)</i> dan dikreditkan ke dalam Dana Risiko bergantung kepada jumlah perlindungan bersih, umur dicapai dan jantina orang yang dilindungi. b) Amaun Tabarru' adalah tidak dijamin dan kami berhak untuk menyemak semula amaun Tabarru'. Kami akan memaklumkan kepada anda sekurang-kurangnya 30 hari sebelum ianya berkuat kuasa.												
Jumlah Perlindungan Bersih	Jumlah Perlindungan Bersih merujuk kepada amaun, jika ada, yang mana jumlah perlindungan melebihi sebarang baki di dalam <i>ILF(s)</i> .												
Bayaran Manfaat	Jumlah manfaat kematian/KMK akan dikurangkan sekiranya kejadian tuntutan berlaku ketika orang yang dilindungi berumur bawah 5 tahun seperti berikut: <table border="1"> <thead> <tr> <th>Umur</th><th>Jumlah Disemak Semula (Peratusan daripada jumlah manfaat)</th></tr> </thead> <tbody> <tr> <td>1</td><td>20%</td></tr> <tr> <td>2</td><td>40%</td></tr> <tr> <td>3</td><td>60%</td></tr> <tr> <td>4</td><td>80%</td></tr> <tr> <td>5 dan ke atas</td><td>100%</td></tr> </tbody> </table>	Umur	Jumlah Disemak Semula (Peratusan daripada jumlah manfaat)	1	20%	2	40%	3	60%	4	80%	5 dan ke atas	100%
Umur	Jumlah Disemak Semula (Peratusan daripada jumlah manfaat)												
1	20%												
2	40%												
3	60%												
4	80%												
5 dan ke atas	100%												
Tambahan caruman tunggal	a) Anda boleh melakukan tambahan caruman tunggal selepas 15 hari dari tarikh mula sijil anda, dan pada bila-bila masa sehingga tempoh perlindungan anda berakhir. Jumlah tambahan caruman minimum ialah RM500 setiap transaksi.												

	b) Tambahan caruman akan diperuntukkan untuk membeli unit di dalam <i>ILF(s)</i> anda selepas ditolak yuran Wakalah. c) Jumlah perlindungan anda akan meningkat dengan jumlah yang sama seperti tambahan caruman anda.
Pengeluaran sebahagian	a) Anda boleh memohon untuk mengeluarkan sejumlah wang dari <i>ILF(s)</i> dengan jumlah pengeluaran minimum sebanyak RM500. b) Baki minimum yang tinggal dalam <i>ILF(s)</i> selepas pengeluaran mestilah sebanyak RM10,000. c) Jumlah perlindungan anda akan dikurangkan sebanyak jumlah yang sama seperti pengeluaran anda.
Luput	Sijil anda akan luput dan tiada perlindungan diberikan sekiranya baki di dalam <i>ILF(s)</i> tidak mencukupi untuk membayar jumlah Tabarru'.
Kuat Kuasa Semula	Jika sijil anda telah luput, anda tidak dibenarkan untuk kuat kuasa semula.
Lain - lain	a) 100% lebihan yang boleh diagihkan akan disumbangkan kepada organisasi Alam Sekitar, Sosial dan Tadbir Urus (<i>ESG</i>) dan kebajikan yang ditetapkan oleh kami. b) Adalah penting untuk anda mengemaskini di dalam Portal <i>myTakaful</i> Customer atau memaklumkan kepada kami sekiranya terdapat sebarang perubahan ke atas butiran hubungan anda bagi memastikan semua urusan surat-menyurat sampai kepada anda tepat pada masanya.

NOTA-NOTA PENTING:

INI ADALAH PRODUK TAKAFUL YANG TERIKAT KEPADA PRESTASI ASET DASAR, DAN BUKANLAH PRODUK PELABURAN TULEN SEPERTI UNIT AMANAH. ANDA MESTILAH MENILAI PILIHAN ANDA DENGAN TELITI DAN BERPUAS HATI BAHAWA PELAN BERKAITAN PELABURAN YANG DIPILIH MEMENUHI KEHENDAK RISIKO ANDA, DAN ANDA MAMPU UNTUK MEMBAYAR CARUMAN SEPANJANG TEMPOH SIJIL. UNTUK MENINGKATKAN NILAI DANA BERKAITAN-PELABURAN PADA BILA-BILA MASA, ANDA BOLEH MEMILIH UNTUK MELAKUKAN TAMBAHAN CARUMAN TUNGGAL. PULANGAN DANA BERKAITAN-PELABURAN ADALAH TIDAK DIJAMIN.

PERLINDUNGAN PERBADANAN INSURANS DEPOSIT MALAYSIA (PIDM) UNTUK MANFAAT-MANFAAT YANG DIBAYAR DARIPADA BAHAGIAN UNIT SIJIL INI ADALAH TERTAKLUK KEPADA SYARAT-SYARAT TERTENTU. SILA RUJUK BROSUR SISTEM PERLINDUNGAN MANFAAT TAKAFUL DAN INSURANS ("[TIPS](#)") PIDM ATAU HUBUNGI TAKAFUL MALAYSIA ATAU PIDM (LAYARI WWW.PIDM.GOV.MY).

Syarikat Takaful Malaysia Keluarga Berhad [198401019089 (131646-K)] adalah dilesenkan di bawah Akta Perkhidmatan Kewangan Islam 2013 dan diselia oleh Bank Negara Malaysia.